

## Nwàk nè Ba nè JON à Còom

*Ghà nè Jon ànə com ηwàk ènə à ye nga bùu sè wo sə yə'rə Ntirè nè Bèboŋ nə sə gìhi yə'rə lòkɛ' nà' mɔtsè. Bùu mok sè wo à sə yə'rə yàwo bum mwès à sə gìhi sè' ve'nə, fana Jon sə tip Krətèŋ wèŋ də yà'a jəŋ ηkərə bə nsàp bù nə yà'wèŋ sə jəŋ nisə mɔ ndà'à.*

### *Jon Cèpsə Krətèŋ Mok Wèŋ*

<sup>1</sup> Còm ηwàk nè'e mù nè mɔ ηkwà'ηwè mɔ cos. Mù cèpsə wu, Avà, nè Nwì a swekfis wu bə bwe yo\* sè mù dzəm wèŋ sə ntùù mù zìnə sə. Sə kà wèŋ mù dzəm mègù, sə dzəm wèŋ bùu sè wo rì zìnə nè Nwì nə pwe'fo'.

<sup>2</sup> Vès dzəm wèŋ bùusè ncèp nè zìnə nə cu sə ntùù vès, fana nà'a nə cum mali ca nè mwèsè.

<sup>3</sup> Nwì nè yi tè' àvès bə Jisòs Krəst mo ye gù vesùwèŋ bèboŋ, wo tse' koksəmanziŋ bohòvès, nə gɔ vesùwèŋ ηgòtse' fifi sə ntùù vès. Bum yè'sə, vesùwèŋ nə tse' yà' mɔmwè'nə vesùwèŋ sə bɛ' zìnə nə, nə sə dzəm ni' avès.

### *A Dzəm Ni' Avès*

<sup>4</sup> Mù sə kwa nè bɔp mɔmwè'nə mù a yuk də bwe yo mok sə bɛ' zìnə nè tè' àvès Nwì a nìtsè' fa ves nə.

---

\* **1:1 1:1** Avà nè yi ma nè bèboŋ nə yà'a cos nə fana bwe ye sə ye yàwo krətèŋ wèŋ. A ve'nə sè' ndzənə ηgo nè 13.

<sup>5</sup> Avà, yusè mù sə dzəm ηgòcèp sə ka yumok sè fi yeη, yà' mègù sè ncèp nè vès ànə tse' to mantombi nè də, vesùwèeη dzəm ni' avès.

<sup>6</sup> Mandzè nè aco vesùwèη niη tsok də vesùwèη dzəm Nwi, a ηgònòηsə lùuk ye. Lùk nè wèη à yuk mantombi nè də, wèeη cum ncù nè nà'a bə dzədzəm.

### *Bùu Sè Wo Bèη Jisos Krest*

<sup>7</sup> Yusè yà' gù ηkuη mù cep ve'nə a bùusè ηgàa cì' mvwès a ram lòsəne nzeηgòn nè ηkùuηntèη. Bùu ye'sə sə bèη də Jisòs Krest à ka sə nzeηgòn bə ηgùpni' co ηwè və. Nsàp ηwè ànə yi yà'sə ηgà cì' mvwès nè, nè ye ηgà bèη Jisòs nè wo à duk nè.

<sup>8</sup> Wèeη jəη ηkərè də yusè wèη a fàk sə wèeη kà bə zeη wà kè màhà. Wèeη jihi nzòη ya wo kà weη jipsè ya wèeη kə tse' ləlàk awèη dak məm̀və' nè.

<sup>9</sup> Nwè nè yi naaη gèsə-a yumok mənə yusè Jisòs a yə'rə fa bwiη, nè kà zeη yù mègù, ye də ηwè ànə ka bə Nwi yeη. Nwè nè yi tə mègù-a ye bə yusè Jisòs a yə'rə sə fana ye də yi bə Nwi, nè ye mo ye Jisòs Krest wèη mvwe' mò'fis.

<sup>10</sup> A yà'sə də a ye-a ηga ηwè nəmòk vè-a bohòwèη, nè sə yə'rə yusè zok nè noηsə sè Jisòs à yə'rə sə fana wù kà yi mvwe' nòoη fa, nè kà yi də <<Və bèboη>> sè' duk lok.

<sup>11</sup> Mù duk ve'nə bùusè ηwè nè yi cèpsə-a nà' ye də yi be'lə bə nà' bə nsàp bup nè yi sə gù nè.

### *Càcèpsə*

<sup>12</sup> Bum mok cu ηkùuηntèη sè mù tse' ηgòcòm fa weη, fana mɯ nè kà yà' còm, bùusè mù sè vè bè kù am ηgòkè yè weη, ya ηga vesùwèeη yenə si bè si, nè kwa nèbɯp.

<sup>13</sup> Bwe ηjè' yo nè Nwì a swekfis yi sè cèpsə wu bèboη.

**Nwàk Nwì Ma Rùk Nè Fi**  
**New Testament in Yamba**

copyright © 2011 Wycliffe Bible Translators, Inc.

Language: (Yamba)

Contributor: Wycliffe Bible Translators, Inc.

All rights reserved.

2020-12-01

---

PDF generated using Haiola and XeLaTeX on 18 Apr 2025 from source  
files dated 29 Jan 2022

c475d5b3-da44-51cf-93ca-f255b72fe481